

## УЧИНЧИ БЎЛИМ

### ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

## **106** Вазирликлар ва идораларнинг бюджетдан ташқари жамғармаларига маблағлар ажратишни тартибга солиш чора-тадбирлари тўғрисида

Ўзбекистон Республикаси Президентининг «Ўзбекистон Республикасининг 2010 йилги асосий макроиқтисодий кўрсаткичлари прогнози ва Давлат бюджети параметрлари тўғрисида» 2009 йил 22 декабрдаги ПҚ–1245-сон қарорини бажариш юзасидан ҳамда вазирликлар ва идораларнинг бюджетдан ташқари жамғармаларига маблағлар ажратишни тартибга солиш, улардан фойдаланиш самарадорлигини ошириш, давлат бюджетига тушумларни кўпайтириш мақсадида Вазирлар Маҳкамаси **қарор қилади:**

1. 2010 йил 1 апрелдан бошлаб вазирликлар ва идораларнинг бюджетдан ташқари жамғармаларига йўналтирилаётган давлат божлари, йиғимлар ва солиқ бўлмаган тўловлардан, маъмурий ва молиявий жазолардан ажратмалар миқдорлари 1-иловага мувофиқ белгилансин.

2. Ўзбекистон Республикаси Молия вазирлигининг Нархларни бошқариш жамғармаси тугатилсин, маблағлар қолдиқлари Давлат бюджетига йўналтирилсин.

3. Белгилаб кўйилсинки, Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитаси ҳузуридаги тугатилган Тадбиркорликни қўллаб-қувватлаш ва корхоналарни таркибий ўзгартириш жамғармасининг маблағлари Ўзбекистон Республикаси Давлат бюджетига йўналтирилади.

4. 2010 йил 1 апрелдан бошлаб Ўзбекистон Республикаси Ҳукуматининг 2 ва 3-иловаларга мувофиқ айрим қарорларига ўзгартиришлар киритилсин, шунингдек баъзилари ўз кучини йўқотган деб ҳисоблансин.

5. Ўзбекистон Республикаси Молия вазирлиги Адлия вазирлиги, бошқа манфаатдор вазирликлар ва идоралар билан биргаликда бир ой муддатда идоравий норматив-ҳуқуқий ҳужжатларнинг ушбу қарорга мувофиқлаштирилишини таъминласин.

6. Мазкур қарорнинг бажарилишини назорат қилиш Ўзбекистон Рес-

публикаси Бош вазирининг биринчи ўринбосари Р.С. Азимов зиммасига юклансин.

**Ўзбекистон Республикаси  
Президенти**

**И. КАРИМОВ**

Тошкент ш.,  
2010 йил 2 апрель,  
62-сон

Вазирлар Маҳкамасининг  
2010 йил 2 апрелдаги 62-сон қарорига  
1-ИЛОВА

**Вазирликлар ва идораларнинг бюджетдан ташқари  
жамғармаларига йўналтирилаётган давлат божлари,  
ийғимлар ва солиқ бўлмаган тўловлардан, маъмурий ва  
молиявий жазолардан ажратмалар  
МИҚДОРЛАРИ**

Т/р	Вазирликлар ва идораларнинг номи	Шакллантириш манбаи	Ажратмалар миқдори (фоизларда)
1.	Саноатда, кончиликда ва коммунал-маиший секторда ишларнинг бехатар олиб борилишини назорат қилиш давлат инспекцияси	Ўзбекистон Республикасининг Маъмурий жавобгарлик тўғрисидаги кодексига мувофиқ «Саноатконтехназорат» давлат инспекцияси томонидан солинадиган жарималар суммаси	80
2.	Табиатни муҳофаза қилиш жамғармаси (Давлат табиатни муҳофаза қилиш қўмитаси)	Табиатни муҳофаза қилиш тўғрисидаги қонун ҳужжатлари бузилганлиги учун жарималар ва ундирилган маблағлар ҳамда атроф муҳит ифлосланганлиги учун компенсация тўловлари суммалари (ҳайвонот ва ўсимликлар дунёси объектларидан фойдаланиш билан боғлиқ бузилишлар учун жарималар ва ундирилаётган пул суммалари бундан мустасно)	40
3.	Давлат божхона қўмитаси	Кўрсатилган хизматлар учун божхона йиғимлари ва тўловлар шаклидаги тушумлар	20
		Божхона органлари томонидан (шу жумладан чегара хизматлари билан биргаликда) олиб қўйилган ва қонун ҳужжатларида белгиланган тартибда давлат даромадига ўтказилган мол-мулкни сотишдан олинган маблағлар	8*
4.	Ўзбекистон Республикаси Миллий хавфсизлик хизматининг Давлат чегараларини ҳимоя қилувчи қўмитаси	Божхона органлари томонидан чегара хизматлари билан биргаликда олиб қўйилган ва қонун ҳужжатларида белгиланган тартибда давлат даромадига ўтказилган мол-мулкни сотишдан олинган маблағлар	8*
5.	Миллий хавфсизлик хизмати	Қонун ҳужжатларида белгиланган тартибда давлат даромадига ўтказилган мол-мулкни сотишдан олинган маблағлар	16
6.	Бош прокуратура	Қонун ҳужжатларида белгиланган ҳолатларда давлат даромадига ўтказилган мол-мулкни сотишдан олинган маблағлар	8

Т/р	Вазирликлар ва идораларнинг номи	Шакллантириш манбаи	Ажратмалар миқдори (Фоишларда)
7.	Ташқи ишлар вазирлиги	Кириш ва чиқиш ҳужжатлари, бошқа консуллик хизматлари расмийлаштирилганлиги учун йиғимлар ва бошқа тушумлар	8
8.	Давлат солиқ қўмитаси	Солиқ органлари томонидан олиб қўйилган ва қонун ҳужжатларида белгиланган тартибда давлат даромадига ўтказилган мол-мулкни сотишдан олинган маблағлар	10
		Солиқ ҳақидаги қонунлар бузилганлиги учун молиявий жазолар ва маъмурий ҳуқуқбузарлик учун жарималар суммаси	10**
		Якка тартибдаги тадбиркорлар давлат рўйхатидан ўтказилганлиги учун ундирилаётган давлат божи суммаси	60
9.	Ички ишлар вазирлиги	Йўл ҳаракати қоидалари бузилганлиги учун жарималар суммаси	8
		Автомобилтранспорт воситалари қайта рўйхатдан ўтказилганлиги учун тўлов суммаси	8
		Қонун ҳужжатларида белгиланган ҳолатларда давлат даромадига ўтказилган мол-мулкни сотишдан олинган маблағлар	8
		Чиқиш ва кириш визалари берилганлиги, улар муддатининг узайтирилганлиги, вақтинча рўйхатдан ўтказилганлиги, доимий яшаш учун ҳужжатлар расмийлаштирилганлиги учун давлат божлари	8
10.	Давлат мулкни бошқариш давлат қўмитаси	Давлат тасарруфидан чиқариш ва хусусийлаштиришдан тушган маблағлар	2,5
		Давлат активларининг олди-сотди шартномаларини тузиш ва бекор қилиш, берилган кредитлар ва қарзлар бўйича тушган пенялар ва жарималар суммаси	50
11.	Молия вазирлиги	Тафтишлар ва текширишлар натижалари бўйича бюджет даромадига ундирилган растрата, талон-торож, камомад, ноқонуний харажатлар, акцияларнинг давлат улушидан олинган дивидендлар бюджетга ўз вақтида ўтказилмаганлиги учун жарималар суммаси	8
12.	Судлар ва адлия муассасаларини ривожлантириш жамғармаси (Адлия вазирлиги, Олий суд, Олий ҳўжалик суди, Суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаменти)	Умумий юрисдикция судлари томонидан қўриладиган ишлар бўйича жарималар ва давлат божлари суммаси	16
		Хўжалик судлари томонидан қўриладиган ишлар бўйича жарималар ва давлат божлари суммаси	12
		Адлия органлари ва ФХДЁ бўлимлари томонидан ундирилаётган давлат божлари суммаси	16
		Нотариуслар томонидан ундирилаётган давлат божлари суммаси	12
		Нодавлат нотариот ташкилотлари, адвокатлик бюрolari, фирмалари, ҳайъатлари, хусусий нотариал идоралар рўйхатдан ўтказилганлиги, нотариал ва адвокатлик фаолияти лицензияланганлиги, юридик кадрлар малака аттестациясидан ўтказилганлиги учун адлия органлари томонидан ундирилаётган маблағлар, шунингдек адлия органлари томонидан ундирилаётган жарималар	80

Т/р	Вазирликлар ва идораларнинг номи	Шакллантириш манбаи	Ажратмалар миқдори (фоизларда)
		Ижро этиш бўйича бюджетга ундирилган суммалар, солиқлар ва бошқа мажбурий тўловлар бўйича муддати ўтказиб юборилган қарзлар ундирилиши бундан мустасно	24
		Ваколатли органлар томонидан олиб қўйилган ва давлат даромадига ўтказилган мол-мулкни сотишдан, шунингдек солиқлар ва бошқа мажбурий тўловлар бўйича муддатида тўланмаган қарзларни ундиришдан тушадиган маблағлар	8
		Суд ижрочилари томонидан ундирилаётган ижро йиғими маблағлари	80
		Мол-мулкни сотиш ёки баҳолаш бўйича ўз зиммасига олган шартнома мажбуриятлари бажарилмаганлиги (зарур тарзда бажарилмаганлиги) учун биржаларга, баҳолаш ташкилотларига, савдо ташкилотларига, бошқа шахсларга солинадиган жарималар ва пеня	80
		Ўзбекистон Республикаси Президентининг 2006 йил 31 августдаги ПҚ-458-сон қарори билан тасдиқланган Суд ҳужжатлари ва бошқа органлар ҳужжатларини ижро этиш жараёнида автоматотранспорт воситалари ва кўчмас мулкни сотиш тартиби тўғрисидаги низомнинг 37-бандида назарда тутилган ҳолларда суд ижрочиларининг туман (шаҳар) бўлимлари депозит ҳисоб рақамига ўтказиладиган очиқ аукцион савдоларида қатнашиш учун қўйилган закатлар	80
13.	«Давбионазорат» инспекцияси	Ўзбекистон Республикасининг Қизил китобига киритилган ёввойи ҳайвонлар ва ёввойи ҳолда ўсадиган ўсимликлар турлари учун — ёввойи ҳайвонларни тутишга ва Ўзбекистон Республикаси ташқарисига олиб чиқиб кетишга ҳамда ёввойи ҳолда ўсадиган ўсимликларни йиғишга ва олиб чиқиб кетишга рухсатнома берилганлиги учун тўлов	12
		Ўзбекистон Республикасининг Қизил китобига киритилмаган ёввойи ҳайвонлар ва ёввойи ҳолда ўсадиган ўсимликлар турлари учун — ёввойи ҳайвонларни тутишга ва Ўзбекистон Республикаси ташқарисига олиб чиқиб кетишга ҳамда ёввойи ҳолда ўсадиган ўсимликларни йиғишга ва олиб чиқиб кетишга рухсатнома берилганлиги учун тўлов	40
		Мусодара қилинган овчилик ва балиқ овлаш қуроллари, шунингдек овчиликнинг ноқонуний маҳсулотлари сотилишидан тушган маблағлар	40
		Маъмурий ҳуқуқбузарлик ҳамда ҳайвонот ва ўсимлик дунёсига етказилган зарар учун жарималар ундиришдан олинган маблағлар	40
		Республиканинг табиий балиқчилик хўжалиги сув ҳавзалари ижарага берилишидан тушган маблағлар	12

Т/р	Вазирликлар ва идораларнинг номи	Шакллантириш манбаи	Ажратмалар миқдори (фоизларда)
14.	Давлат мулки кўмитаси ҳузуридаги Қимматли қоғозлар бозори фаолиятини мувофиқлаштириш ва назорат қилиш маркази	Қимматли қоғозлар бозори тўғрисидаги қонун ҳужжатлари бузилганлиги учун иқтисодий жазолар суммаси	8
15.	«Ўзстандарт» агентлиги ҳузуридаги стандартлаштириш, метрология ва сертификатлаштиришни ривожлантириш жамғармаси	Стандартлар, метрология ва сертификатлаштиришнинг мажбурий талаблари, давлат инспекторларининг хўжалик фаолияти субъектлари томонидан маҳсулотлар реализацияси (етказиб берилиши, сотилиши) тақиқланиши ҳақидаги кўрсатмалари бузилганлиги учун жарималар	8
16.	Давлат архитектура ва қурилиш кўмитаси	Қурилиш соҳасидаги ҳуқуқбузарлик учун юридик шахсларга солинадиган жарималар суммаси	8
17.	Давлат патент идораси	Хорижий валютадаги патент божлари ва бошқа солиқ бўлмаган тўловлар	8
		Миллий валютадаги патент божлари ва бошқа солиқ бўлмаган тўловлар	80
18.	Ўзбекистон Республикаси Монополиядан чиқариш ва рақобатни ривожлантириш давлат кўмитаси	Монополияга қарши қонунчилик, табиий монополиялар, истеъмолчиларнинг ҳуқуқларини ҳимоя қилиш ва реклама тўғрисидаги қонунчилик бузилганлиги учун қонун ҳужжатларида белгиланган тартибда хўжалик юритувчи субъектларга солинадиган жарималар суммаси	20
		Мулкида давлат улуши бўлган корхоналарнинг молиявий-хўжалик фаолияти тўғрисидаги материаллар тақдим этилмаганлиги ёхуд ўз вақтида тақдим этилмаганлиги учун мансабдор шахслардан қонун ҳужжатларида белгиланган тартибда Монополиядан чиқариш ва рақобатни ривожлантириш давлат кўмитаси томонидан ундирилган жарималар суммаси	80
19.	Давлат захираларини бошқариш кўмитаси	Маҳсулотлар ва материалларни давлат захирасидан қарзга олиш	0,8
20.	Қишлоқ ва сув хўжалиги вазирлиги ҳузуридаги «Ўзсувназорат» республика сув инспекцияси	Сув лимити ортиқча олинганлиги учун жарималар	40
21.	Электр энергетикада назорат бўйича давлат инспекцияси	Электр ва иссиқлик энергиясидан фойдаланиш қоидалари бузилганлиги учун юридик шахсларга иқтисодий жазолар суммаси	8
22.	Кимё sanoati ташкилотларини ривожлантириш ва қўллаб-қувватлаш жамғармаси («Ўзкимё-саноат» ДАК)	«Ўзкимёсаноат» давлат-акциядорлик компанияси бошқарувидаги ташкилотларнинг давлат мулкни хусусийлаштириш ва акцияларини сотишдан олинган маблағлар, қонун ҳужжатларига мувофиқ Давлат мулки кўмитаси тасарруфидан қолдирилган маблағлар бундан мустасно	100
23.	Ўзбекистон автомобиль ва дарё транспорти агентлиги	Автомобиль ва дарё транспортида йўловчилар ва юк ташишга лицензиялар берилганлиги, шунингдек автомобиль транспортида йўловчилар ва юк ташишга берилган лицензияларнинг амал қилиш муддати узайтирилганлиги учун давлат божи	25
24.	Ахборот-коммуникация технологияларини ривожлантириш жамғармаси (Алоқа ва ахборотлаштириш агентлиги)	Алоқа ва ахборотлаштириш соҳасида фаолиятни амалга ошириш ҳуқуқини берувчи лицензиялар берилганлиги учун давлат божи	50

Т/р	Вазирликлар ва идораларнинг номи	Шакллантириш манбаи	Ажратмалар миқдори (фоизларда)
		Алоқа соҳасидаги фаолиятни амалга оширувчи юридик шахслардан норматив ҳужжатлар, давлат тармоқ стандартлари талаблари, алоқа соҳасида кўрсатилаётган хизматлар сифати бузилганлиги учун ундириладиган жарима санкциялари	45
25.	Балиқчиликни ривожлантириш илмий-тадқиқот маркази (Қишлоқ ва сув хўжалиги вазирлиги)	Республиканинг табиий балиқчилик хўжаликлари сув ҳавзалари ижарага берилганлигидан тушган маблағлар	20
26.	Ўзбекистон Республикаси Вазирлар Маҳкамаси ҳузуридаги Ўзбекистон нефть маҳсулотлари ва газдан фойдаланишни назорат қилиш давлат инспекцияси	Нефть маҳсулотлари ва газдан фойдаланиш қоидалари бузилганлиги учун юридик шахсларга иқтисодий жазолар суммаси	8
27.	Ўзбекистон Республикаси Давлат статистика қўмитаси	Статистика ҳисоботи ўз вақтида, тўлиқ тақдим этилмаганлиги ва ишончсиз маълумотлар билан тақдим этилганлиги учун хўжалик юритувчи субъектларга солинадиган иқтисодий санкциялар ва жарималардан тушадиган маблағлар	100
28.	Ўзбекистон Республикаси Фанлар академияси	Ўзбекистон Республиканинг Қизил китобига киритилган ёввойи ҳайвонлар ва ёввойи ҳолда ўсадиган ўсимликлар турлари учун — ёввойи ҳайвонларни тутишга ва Ўзбекистон Республикаси ташқарисига олиб чиқиб кетишга ҳамда ёввойи ҳолда ўсадиган ўсимликларни йиғишга ва олиб чиқиб кетишга рухсатнома берилганлиги учун тўлов	8
29.	Ўзбекистон Республикаси Қишлоқ ва сув хўжалиги вазирлиги ҳузуридаги ўсимликлар карантини бўйича бош давлат инспекцияси	Қўйидагилардан: бошқа давлатлардан келаётган уруғлик, кўчат материал ва карантин назорати остидаги бошқа ўсимлик маҳсулотларини, шунингдек республика ҳудуди орқали транзит ўтаётган карантин остидаги юкларни импорт қилишга импорт карантин рухсатномаси берилганлигидан карантин остидаги маҳсулотларни республикадан экспорт қилишда ўсимликлар карантини ва уларни ҳимоя қилиш давлат органлари томонидан фитосанитария сертификати ёки гувоҳнома берилганлигидан республика ичида карантин фитосанитария сертификати берилганлигидан импорт юкларни кредитлардан холи қилишдан ва ҳужжатларни беришдан (самолёт, вагон, контейнер, автотранспорт ва бошқа транспорт воситалари) ўсимликлар карантини чегара пунктларида Ўзбекистон Республикаси орқали ўтадиган карантин остидаги транзит юкларни очмасдан транспорт бирликлари ҳужжатларини расмийлаштиришдан тушган даромадлар	50

\* Маблағлар сарфи товарларнинг чегара орқали қонуний ўтишини таъминловчи бюджетдан ташқари ягона Ижтимоий ривожлантириш ва ходимларни моддий рағбатлантириш жамғармасидан амалга оширилади.

\*\* Ушбу маблағлардан Ўзбекистон Республикаси Бош прокуратураси хузуридаги Солиқ ва валютага оид жиноятларга ва жиноий даромадларни легаллаштиришга қарши курашиш департаменти томонидан аниқланган ҳолатлар бўйича тушумлар кўрсатиб ўтилган Департаментнинг бюджетдан ташқари жамғармасига йўналтирилади.

Вазирлар Маҳкамасининг  
2010 йил 2 апрелдаги 62-сон қарорига  
2-ИЛОВА

### **Ўзбекистон Республикаси Ҳукуматининг айрим қарорларига киритилаётган ўзгартириш ва қўшимчалар**

1. Вазирлар Маҳкамасининг 1993 йил 24 майдаги 246-сон қарори (Ўзбекистон Республикаси ҚТ, 1993 й., 5-сон, 20-модда) билан тасдиқланган Табиатни муҳофаза қилиш жамғармалари тўғрисидаги низомнинг 5-банди иккинчи — саккизинчи хатбошилари ва ўн иккинчи ҳамда 8-банди учинчи хатбошидаги «50» рақами «40» рақами билан алмаштирилсин.

2. Вазирлар Маҳкамасининг 1993 йил 3 августдаги 385-сон қарори билан тасдиқланган Ўзбекистон Республикасида сувдан чекланган микдорда фойдаланиш бўйича Вақтинчалик тартибнинг 4-банди тўққизинчи хатбошининг биринчи жумласи қуйидаги таҳрирда баён қилинсин:

«жарималарнинг 60 фоизи республика бюджетига ўтказилади, қолган 40 фоизи эса — сув хўжалиги ташкилотларининг махсус ҳисоб рақамларига ўтказилади».

3. Вазирлар Маҳкамасининг «Хорижий валютадаги давлат божлари, йиғимлар ҳамда солиқ бўлмаган бошқа тўловлар ставкалари тўғрисида» 1993 йил 19 августдаги 423-сон қарорига 2-илованинг «Божлар, йиғимлар ва солиқ бўлмаган бошқа тўловлар тўлашдан валюта тушумларини тақсимлаш» жадвалида:

2 ва 3-бандлардаги «25» ва «75» рақамлари тегишли равишда «20» ва «80» рақамлари билан алмаштирилсин;

4, 5, 6 ва 14-бандлардаги «10» ва «90» рақамлари тегишли равишда «8» ва «92» рақамлари билан алмаштирилсин;

7, 8 ва 12-бандлардаги «15» ва «85» рақамлари тегишли равишда «12» ва «88» рақамлари билан алмаштирилсин;

9-банддаги «100» ва «0» рақамлари тегишли равишда «80» ва «20» рақамлари билан алмаштирилсин;

11-банддаги «5» ва «95» рақамлари тегишли равишда «8» ва «92» рақамлари билан алмаштирилсин.

4. Вазирлар Маҳкамасининг 1994 йил 9 мартдаги 124-сон қарори (Ўзбекистон Республикаси ҚТ, 1994 й., 3-сон, 15-модда) билан тасдиқланган Ёқилғи-энергетика ресурсларидан фойдаланиш қоидаларини бузганлик учун иқтисодий жазоларни қўллаш тўғрисидаги низомнинг III бўлими 4-бандида-

ги «90» ва «10» рақамлари тегишли равишда «92» ва «8» рақамлари билан алмаштирилсин.

5. Вазирлар Маҳкамасининг 1994 йил 12 августдаги 410-сон қарори билан тасдиқланган Ўзбекистон Республикасида стандартлар ва ўлчов во-ситалари устидан давлат назорати тўғрисидаги низомнинг 10-бандидаги «60» ва «10» рақамлари тегишли равишда «62» ва «8» рақамлари билан алмаштирилсин.

6. Вазирлар Маҳкамасининг «Ўзбекистон Республикаси Давлат божхона кўмитаси фаолиятини ташкил этиш масалалари тўғрисида» 1997 йил 30 июлдаги 374-сон қарорининг (Ўзбекистон Республикаси ҚТ, 1997 й., 7-сон, 26-модда) 7-банди иккинчи хатбошидаги «25» рақами «20» рақами билан алмаштирилсин.

7. Вазирлар Маҳкамасининг 1998 йил 1 декабрдаги 504-сон қарори (Ўзбекистон Республикаси ҚТ, 1998 й., 12-сон, 44-модда) билан тасдиқланган Аҳолини иш билан таъминлаш тўғрисидаги қонун ҳужжатларини бузганлик учун жарималар солиш тартиби тўғрисидаги низомнинг 7-банди куйидаги таҳрирда баён қилинсин:

«7. Ушбу Низомнинг 6-бандида кўрсатилган ундирилган жарималар суммаси куйидаги тартибда тақсимланади:

жарималар суммасининг 20 фоизи — республика бюджетига;

80 фоизи — Бандликка кўмаклашиш давлат жамғармасига».

8. Вазирлар Маҳкамасининг 2002 йил 14 июндаги 209-сон қарори (Ўзбекистон Республикаси ҚТ, 2002 й., 6-сон, 32-модда) билан тасдиқланган Ўзбекистон Республикаси Давлат патент идораси томонидан патент пошлиналарини ва солиқ бўлмаган бошқа тўловларни ундиришдан тушадиган маблағлардан фойдаланиш тартиби тўғрисида низомнинг 6-бандида:

иккинчи хатбошидаги «90» рақами «92» рақами билан алмаштирилсин; учинчи хатбошидаги «10» рақами «8» рақами билан алмаштирилсин.

9. Вазирлар Маҳкамасининг 2002 йил 23 сентябрдаги 328-сон қарори (Ўзбекистон Республикаси ҚТ, 2002 й., 9-сон, 53-модда) билан тасдиқланган Ахборот-коммуникация технологияларини ривожлантириш жамғармаси тўғрисидаги низомнинг 4-банди бешинчи хатбошидаги «50» рақами «45» рақами билан алмаштирилсин.

10. Вазирлар Маҳкамасининг «Стандартлаштириш, метрология ва маҳсулотлар ҳамда хизматларни сертификатлаштириш тизимини такомиллаштириш чора-тадбирлари тўғрисида» 2002 йил 3 октябрдаги 342-сон қарорининг (Ўзбекистон Республикаси ҚТ, 2002 й., 10-сон, 56-модда) 13-банди учинчи хатбошидаги «10» рақами «8» рақами билан алмаштирилсин.

11. Вазирлар Маҳкамасининг «Судлар ва адлия органларини ривожлантириш жамғармасини ташкил этиш тўғрисида» 2003 йил 18 мартдаги 147-сон қарориди (Ўзбекистон Республикаси ҚТ, 2003 й., 3-сон, 26-модда):

а) 2-бандда:

иккинчи хатбошидаги «20» рақами «16» рақами билан алмаштирилсин; учинчи хатбошидаги «15» рақами «12» рақами билан алмаштирилсин;



тўртинчи хатбошидаги «20» ва «15» рақамлари тегишли равишда «16» ва «12» рақамлари билан алмаштирилсин;

бешинчи хатбошидаги «ундириладиган маблағлар» сўзлари «ундириладиган маблағларнинг 80 фоизи» сўзлари билан алмаштирилсин;

олтинчи хатбошидаги «30 фоиз» сўзлари «24 фоиз» сўзлари билан алмаштирилсин;

еттинчи хатбошидаги «10» рақами «8» рақами билан алмаштирилсин;

саккизинчи хатбошидаги «ижро йиғимлари маблағлари» сўзлари «ижро йиғимларининг 80 фоизи» сўзлари билан алмаштирилсин;

тўққизинчи хатбошидаги «очиқ аукционда иштирок этиш учун киритилган закатлар» сўзлари «очиқ аукционда иштирок этиш учун киритилган закатларнинг 80 фоизи» сўзлари билан алмаштирилсин;

ўнинчи хатбошидаги «ундириладиган жарималар ва пенялар» сўзлари «ундириладиган жарималар ва пенялар суммасининг 80 фоизи микдоридаги ажратмалар» сўзлари билан алмаштирилсин;

б) Судлар ва адлия органларини ривожлантириш жамғармаси тўғрисидаги низомнинг 2-бандида:

иккинчи хатбошидаги «20» рақами «16» рақами билан алмаштирилсин;

учинчи хатбошидаги «15» рақами «12» рақами билан алмаштирилсин;

тўртинчи хатбошидаги «20» ва «15» рақамлари тегишли равишда «16» ва «12» рақамлари билан алмаштирилсин;

бешинчи хатбошидаги «маблағлар» сўзи «маблағларнинг 80 фоизи» сўзлари билан алмаштирилсин;

олтинчи хатбошидаги «30 фоиз» сўзлари «24 фоиз» сўзлари билан алмаштирилсин;

еттинчи хатбошидаги «10» рақами «8» рақами билан алмаштирилсин;

саккизинчи хатбошидаги «ижро йиғимлари маблағлари» сўзлари «ижро йиғимларининг 80 фоизи» сўзлари билан алмаштирилсин;

тўққизинчи хатбошидаги «очиқ аукционда иштирок этиш учун киритилган закатлар» сўзлари «очиқ аукционда иштирок этиш учун киритилган закатларнинг 80 фоизи» сўзлари билан алмаштирилсин;

ўнинчи хатбошидаги «жарималар» сўзи «жарималар суммасининг 80 фоизи микдоридаги ажратмалар» сўзлари билан алмаштирилсин.

12. Вазирлар Маҳкамасининг «Ўзбекистон Республикаси ҳудудида атроф табиий муҳит ифлослантирилганлиги ва чиқиндилар жойлаштирилганлиги учун тўловлар тизимини такомиллаштириш тўғрисида» 2003 йил 1 майдаги 199-сон қарорининг 3-бандида (Ўзбекистон Республикаси ҚТ, 2003 й., 5-сон, 35-модда):

иккинчи хатбошидаги «50» рақами «40» рақами билан алмаштирилсин;

учинчи хатбошидаги «50» рақами «60» рақами билан алмаштирилсин.

13. Вазирлар Маҳкамасининг «Балиқчилик тармоғида монополиядан чиқариш ва хусусийлаштиришни чуқурлаштириш чора-тадбирлари тўғрисида» 2003 йил 13 августдаги 350-сон қарорининг 9-бандида (Ўзбекистон Республикаси ҚТ, 2003 й., 8-сон, 70-модда):

учинчи хатбошидаги «60» рақами «68» рақами билан алмаштирилсин;

тўртинчи хатбошидаги «25» рақами «20» рақами билан алмаштирилсин;  
бешинчи хатбошидаги «15» рақами «12» рақами билан алмаштирилсин.

14. Вазирлар Маҳкамасининг 2003 йил 17 сентябрдаги 404-сон қарори (Ўзбекистон Республикаси ҚТ, 2003 й., 9-сон, 86-модда) билан тасдиқланган Қурилиш соҳасидаги ҳуқуқбузарликлар учун юридик шахсларга солинадиган жарималарни ундириш тартиби тўғрисидаги низомнинг 7-бандида:

иккинчи хатбошидаги «60» рақами «62» рақами билан алмаштирилсин;  
тўртинчи хатбошидаги «10» рақами «8» рақами билан алмаштирилсин.

15. Вазирлар Маҳкамасининг «Товарларнинг Ўзбекистон Республикаси чегараси орқали ноқонуний олиб ўтилишини бартараф этишга доир фаолиятни рағбатлантириш тўғрисида» 2004 йил 25 октябрдаги 498-сон қарорида (Ўзбекистон Республикаси ҚТ, 2004 й., 10-сон, 99-модда):

а) 2-бандда:

иккинчи хатбошидаги «70» рақами «76» рақами билан алмаштирилсин;  
учинчи хатбошидаги «20» рақами «16» рақами билан алмаштирилсин;  
тўртинчи хатбошидаги «10» рақами «8» рақами билан алмаштирилсин;

б) 3-банднинг иккинчи ва учинчи хатбошидаги «10» рақами «8» рақами билан алмаштирилсин.

16. Вазирлар Маҳкамасининг 2004 йил 28 октябрдаги 508-сон қарори (Ўзбекистон Республикаси ҚТ, 2004 й., 10-сон, 102-модда) билан тасдиқланган Ҳайвонот ва ўсимлик дунёси объектларидан фойдаланганлик учун тўлов сифатида тушган маблағларни, жарима суммалари ва табиатни муҳофаза қилиш тўғрисидаги қонун ҳужжатларини бузганлардан етказилган зарар учун ундирилган суммаларни тақсимлаш тўғрисидаги низомда:

а) 1-бандда:

иккинчи хатбошидаги «75» ва «10» рақамлари тегишли равишда «80» ва «8» рақамлари билан алмаштирилсин;

учинчи хатбошидаги «50» рақами «60» рақами билан алмаштирилсин;

б) 3-банднинг олтинчи хатбошидаги «50» рақами «60» рақами билан алмаштирилсин.

17. Вазирлар Маҳкамасининг «Патент божлари тўғрисидаги низомни ва патент божлари ставкаларини тасдиқлаш ҳақида» 2006 йил 20 апрелдаги 65-сон қарорининг 2-бандида (Ўзбекистон Республикаси ҚТ, 2006 й., 4-сон, 26-модда):

иккинчи хатбошидаги «хорижий валютадаги маблағларнинг 90 фоизи» сўзлари «хорижий валютадаги маблағларнинг 92 фоизи ва миллий валютадаги маблағларнинг 20 фоизи» сўзлари билан алмаштирилсин;

учинчи хатбошидаги «хорижий валютадаги маблағларнинг 10 фоизи ва миллий валютадаги маблағларнинг 100 фоизи» сўзлари «хорижий валютадаги маблағларнинг 8 фоизи ва миллий валютадаги маблағларнинг 80 фоизи» сўзлари билан алмаштирилсин.

18. Вазирлар Маҳкамасининг 2009 йил 29 январдаги 27-сон қарори билан тасдиқланган Хусусийлаштиришдан тушумларни ҳисобга олиш, тақсимлаш ва маблағлардан фойдаланилишини назорат қилиш тартиби тўғрисидаги низомнинг 2-бандида (Ўзбекистон Республикаси ҚТ, 2009 й., 1-сон, 8-модда):

иккинчи хатбошидаги «65» рақами «68,5» рақами билан алмаштирилсин;

тўртинчи хатбошидаги «5» рақами «4» рақами билан алмаштирилсин;  
бешинчи хатбошидаги «3» рақами «2,5» рақами билан алмаштирилсин;  
олтинчи хатбоши чиқариб ташлансин.

19. Вазирлар Маҳкамасининг 2009 йил 15 июлдаги 200-сон қарори (Ўзбекистон Республикаси ҚТ, 2009 й., 7-сон, 56-модда) билан тасдиқланган Давлат даромадига ўтказиладиган мол-мулкни олиб қўйиш, сотиш ёки йўқ қилиб ташлаш тартиби тўғрисидаги низомнинг 53-бандида:

а) 1-кичик бандда:

иккинчи хатбошидаги «70» рақами «76» рақами билан алмаштирилсин;  
учинчи хатбошидаги «20» рақами «16» рақами билан алмаштирилсин;  
тўртинчи хатбошидаги «10» рақами «8» рақами билан алмаштирилсин;

б) 2-кичик бандда:

иккинчи хатбошидаги «70» рақами «76» рақами билан алмаштирилсин;  
учинчи хатбошидаги «20» рақами «16» рақами билан алмаштирилсин;  
тўртинчи хатбошидаги «10» рақами «8» рақами билан алмаштирилсин;

в) қуйидаги мазмундаги 2-1 ва 2-2-кичик бандлар қўшилсин:

«2-1) Ўзбекистон Республикаси давлат солиқ хизмати органлари томонидан олиб қўйилган ва қонун ҳужжатларида белгиланган тартибда давлат даромадига ўтказилган товарлар ва бошқа бойликлар бўйича:

82 фоизи — тегишли маҳаллий бюджетга;

10 фоизи — Ўзбекистон Республикаси давлат солиқ хизмати органларининг махсус ҳисоб рақамига;

8 фоизи — Судлар ва адлия органларини ривожлантириш жамғармасининг ҳисоб рақамига;

2-2) Ўзбекистон Республикаси Бош прокуратураси ҳузуридаги Солиқ ва валютага оид жиноятларга ва жиноий даромадларни легаллаштиришга қарши курашиш департаменти органлари томонидан олиб қўйилган ва қонун ҳужжатларида белгиланган тартибда давлат даромадига ўтказилган товарлар ва бошқа бойликлар бўйича:

82 фоизи — тегишли маҳаллий бюджетга;

10 фоизи — Ўзбекистон Республикаси Бош прокуратураси ҳузуридаги Солиқ ва валютага оид жиноятларга ва жиноий даромадларни легаллаштиришга қарши курашиш департаменти органларининг махсус ҳисоб рақамига;

8 фоизи — Судлар ва адлия органларини ривожлантириш жамғармасининг ҳисоб рақамига;

г) 3-кичик бандда:

иккинчи хатбошидаги «40» рақами «52» рақами билан алмаштирилсин;  
учинчи хатбошидаги «50» рақами «40» рақами билан алмаштирилсин;  
тўртинчи хатбошидаги «10» рақами «8» рақами билан алмаштирилсин;

д) 4-кичик бандда:

иккинчи хатбошидаги «80» рақами «84» рақами билан алмаштирилсин;  
учинчи хатбошидаги «10» рақами «8» рақами билан алмаштирилсин;

тўртинчи хатбошидаги «10» рақами «8» рақами билан алмаштирилсин.

Вазирлар Маҳкамасининг  
2010 йил 2 апрелдаги 62-сон қарорига  
3-ИЛОВА

**Ўзбекистон Республикаси Ҳукуматининг 2010 йил  
1 апрелдан бошлаб ўз кучини йўқотган деб эътироф  
этилаётган қарорлари**

1. Вазирлар Маҳкамасининг «Божхона муассасалари капитал қурилишини молиявий таъминлаш ва инфраструктурасини ташкил этиш фонди маблағларидан фойдаланиш тартиби тўғрисидаги низомни тасдиқлаш ҳақида» 1992 йил 19 майдаги 239-сон қарори.

2. Вазирлар Маҳкамасининг «Нархларни бошқариш жамғармаси тўғрисидаги низомни тасдиқлаш ҳақида» 1997 йил 22 июлдаги 368-сон қарори.

3. Вазирлар Маҳкамасининг «Вазирликлар ва идораларнинг бюджетдан ташқари жамғармаларига ажратмаларни тартибга солиш чора-тадбирлари тўғрисида» 2004 йил 25 октябрдаги 499-сон қарори 1-бандининг учинчи хатбоши ва қарорга 2-илова (Ўзбекистон Республикаси ҚТ, 2004 й., 10-сон, 100-модда).

4. Вазирлар Маҳкамасининг «Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитаси ҳузуридаги Тадбиркорликни қўллаб-қувватлаш ва корхоналарни таркибий ўзгартириш жамғармаси маблағларини шакллантириш ва улардан фойдаланиш тартиби тўғрисидаги низомни тасдиқлаш ҳақида» 2005 йил 4 августдаги 185-сон қарори.

5. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида» 2005 йил 12 августдаги 196-сон қарорига 2-илованинг 45-банди (Ўзбекистон Республикаси ҚТ, 2005 й., 8-сон, 43-модда).

6. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида (Ўзбекистон Республикаси Президентининг «Тадбиркорлик фаолиятини юритиш учун рухсатнома турларини қисқартириш ва уларни бериш тартибини соддалаштириш тўғрисида» 2005 йил 21 сентябрдаги ПҚ-186-сон қарори)» 2006 йил 22 майдаги 92-сон қарорига илованинг 52-банди (Ўзбекистон Республикаси ҚТ, 2006 й., 5-сон, 34-модда).

7. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартиришлар киритиш, шунингдек баъзиларини ўз кучини йўқотган деб ҳисоблаш тўғрисида (Ўзбекистон Республикаси Президентининг «Молия-иқтисодий, солиқ соҳасидаги жиноятларга, жиноий фаолиятдан олинган даромадларни легаллаштиришга қарши курашишни кучайтириш чора-тадбирлари тўғрисида» 2006 йил 21 апрелдаги ПҚ-331-сон

қарори) 2006 йил 6 июлдаги 130-сон қарорига илова 13-бандининг учинчи хатбоши (Ўзбекистон Республикаси ҚТ, 2006 й., 7-сон, 48-модда).

8. Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартиришлар киритиш, шунингдек баъзиларини ўз кучини йўқотган деб ҳисоблаш тўғрисида (Ўзбекистон Республикаси Президентининг «Ўзбекистон Республикаси Президентининг айрим қарорларига ўзгартиришлар киритиш тўғрисида» 2009 йил 27 февралдаги ПҚ–1062-сон қарори) 2009 йил 11 мартдаги 63-сон қарорига 1-илованинг 19-банди (Ўзбекистон Республикаси ҚТ, 2009 й., 3-сон, 20-модда).

9. Вазирлар Маҳкамасининг «Бюджет ташкилотлари ва давлат унитар корхоналарининг асосий воситаларини ҳамда қурилиши тугалланмаган объектларини сотиш, шунингдек уларни сотишдан тушган пул маблағларини тақсимлаш тартиби тўғрисидаги низомни тасдиқлаш ҳақида» 2009 йил 31 декабрдаги 343-сон қарорига 2-илованинг 2-банди (Ўзбекистон Республикаси ҚТ, 2009 й., 12-сон, 84-модда).